

Ke bokaalo ba sethatho ba R4.1bn bo seng bo sebedisitswe ho mokgwatshebetsopedi wa pehomejafatshe

Tshwane, 11 Loetse 2024 – Ditshebeletso tsa Lekgetho tsa Afrika Borwa (SARS) di se di amohetse dikopo tsa ditaelo tsa lekgetho tsa paloyohle ya 161,607. Sena se akaretisa ditaelo tse hlakotsweng. 159, 853 e mabapi le Melemo ya Dikgulo tsa Dipolokelo, tseo e leng paloyohle ya dikopo tse etsang 98.9% tse seng di amohetswe ho tloha ka Sontaha wa la 1 ho isa ho la 10 Loetse 2024, mme sena se bolela hore SARS ka kakaretso e fumane dikopo tsa ditaelo tse 17,964 ka letsatsi.

Bokaalo bohle pele ho ditloso ba dikopo tse fumanweng di etsa paloyohle ya R4.1 billion.

Khomishenara ya SARS Edward Kieswetter o boletse hore dikabelo tse entsweng matloleng a penshene kapa a pehomejafatshe ha di a ka tsa kgethiswa ka nako eo di neng di leshwa letloleng empa di ile tsa fetisetswa nakong eo ka yona motho a tla beng a beha meja fatshe ka yona mme di tla kgethiswa ho latela sekgahla se fokoditsweng. Le ha ho le jwalo, ebang motho a etsa kgulo jwale, o tla kgethiswa ho latela sekgahla sa hae sa lekgetho.

Khomishenara Kieswetter o itse, “Dikopo tsa ditaelo tsa lekgetho di nyehelwa ho SARS ke batsamaisi ba matlole ka tsela ya eFiling. Taelo ke yona e bontshang letlole hore ke lekgetho le lekae le lokelang ho hulwa ke letlole boemong ba SARS pele tefo e ka etswa.

“Balefalekgetho ba kolotang SARS tjhelete ba tlameha ho lemoha hore sekoloto sena sa lekgetho se tla tlatsetswa hodima lekgetho ka nako eo ho etswang kgulo ho tswa molemong wa tsa dipolokelo. Empa ebang ho na le ditlhophiso tsa tefo tse seng di le teng tsa ho lefa sekoloto sa SARS, sekoloto sena se tla hulwa ho latela tumellano ena e pakeng tsa SARS le Molefalekgetho. Sekoloto sa lekgetho se fanyehilweng le sona se ka se hulwe,” ho rialo Khomishenara Kieswetter.

O boletse hore nako ya ho sebetsana le dikopo tsena tsa ditaelo bakeng sa SARS, ntle le thuso ya batho, ke nako e sa feteng dihora tse 24.

Dikanale tse sebediswang ke balefalekgetho ho fumana lesedi le leng ho SARS mabapi le mokgwatshebetso ona o motjha di akaretisa *SARS Online Query System* e fumanehang mane websaeteng ya SARS le kanaleng ya SARS ya WhatsApp – 0800 11 7277 moo balefalekgetho ba ka iketsetsang ditshebetso tsa palo ho fumana kakanyo ya dikgulo tsa bona tsa mokgwatshebetsopedi wa pehomejafatshe.

Bakopi ba fana ka mabaka a mararo a ho batla ho etsa kgulo ho tswa mokgwatshebetsong ona o motjha: phetiso ka lebaka la tlhalo, phetisetso letloleng la pehomejafatshe le kgulo ka molefalekgetho.

Ka ha boemo bo ntse bo fetoha letsatsi le letsatsi, SARS e tla fana ka ditlaleho tsa kgafetsa tsa dipalo tsa dikgulo.

Ho fumana lesedi le fetang lena, ka kopo ikopanye le SARS ka SARSMedia@sars.gov.za

KE PHETHO